



論語一貫

三

DC 12
929
3



12
929
3



第一

論語一貫卷三

重野葆光

校正

述而第七

子曰述而不作祖述先王而不作信而好古竊比於我老彭

先賢之述而不作者

章旨夫子願使斯民為堯舜之民久矣而鳳鳥不

至河圖不出於是乎退而教育英才欲傳道於萬

世故教學以為事自此先賢老彭

一貫述先王道而遺教於後與在陳歸與公冶長篇二十

論語一貫卷三述而

三章意同

第二

子曰。默而識之。識多識前學而不厭。誨人不倦。何有

於我哉。

章旨默而識之。記於心以為監也。此以所自存言。

學而不厭。學以聚之。問以辨之。易乾文也。此以就有

道言。誨人不倦。循循然善誘人。子罕篇也。此以及人

言。三者人皆可為可能之事故。夫子居之。此章蓋

人有稱夫子德者。故夫子發此言也。言我僅能此

三者而已。豈有他可稱哉。

一貫子貢曰。學不厭智也。誨不倦仁也。孟子公孫丑篇學



不厭。利仁之知也。誨不倦。成物之仁也。

第三

子曰。德之不脩。學之不講。聞義不能徙。不善不能改。

是吾憂也。

章旨脩德。所以履道也。講學。所以明道也。二者相

待而長矣。聞義而徙。取善於人也。不善能改。克己

復禮也。四者皆在己。求之有益於得。故我以為憂。

勉而不舍也。若夫貴賤貧富。毀譽禍福。是皆在天

者。求之無益於得。故我附之命。不以介意也。此章

蓋有人毀夫子者。而門人病之。故夫子發此言以

諭之也。觀是吾憂也。四字。可以見。

一貫人以四者為憂，可以至內省不疚也。

第四 子之燕居申申如也。志氣舒暢夭夭如也。容色和愉

章旨此言夫子德充於內，而和發於外也。

一貫與溫良恭儉讓學而篇十章章意同。

第五 子曰甚矣吾衰也。久矣吾不復夢見周公。

章旨伊藤維楨曰：夫子壯時，切欲行周公之道於

天下，故夜夢屢見之，及乎其老，無復是夢，而自知

其衰之甚，蓋歎是道之不行于世也。古義

一貫此章亦可以見夫子之仁，未嘗一日忘救斯

民也。

第六

子曰：志於道，志，志子據於德，據，據城依於仁，依，依違

遊於藝。遊，息焉遊焉

章旨道，人義，父子有親，君臣有義等也。蓋志于道

者，謂行束脩就有道而學人義也。德，仁以義相類，

先輩難其解，姑揭一二徵文，以從人所擇，曰為政

以德，為政篇謂不用政刑，以教化訓民也。曰尚德哉

若人，憲問篇謂南宮适畀畀畀矜力，而尚禹稷修德

也。曰驥不稱其力，稱其德也。同上謂馬不必強力，而

必溫良也。曰由知德者鮮矣。衛靈公篇為子路性行行

難於保身，戒之令溫良和順也。荀子曰：雖能必讓

然後為德非十二子篇曰德輝動於內而民莫不承聽

小記曰恭儉惟德尚書曰溫溫恭人維德之基詩

雅曰讓德之主也左傳昭由以上語觀之蓋據於

德者謂溫和遜順寬裕而不爭也即色思溫貌思

恭犯而不校也樊遲問仁子曰愛人子路荀子曰

仁愛也故親非十二子篇孟子曰惻隱之心仁也梁惠

曰仁者莫大乎愛人家語五曰明慈愛以道之仁

楚語曰中心憯怛愛人之仁也小記由以上語觀之

蓋依於仁者謂慈愛惻怛之情不須史離也即三

月不違仁造次顛沛必於是也藝禮樂射御也四

者大小曲節有義而存焉朝夕息遊其中則見他

物不遷亦可以輔所學也要之志於道以學問言

據於德依於仁所以修所學也遊於藝所以閑邪

而輔成所修也凡措辭之法散文單言則有言道

而兼德仁者有言德而兼道仁者有言仁而兼道

德者對文連言則不得不各就其義所主而置解

如此章是也為政篇自志于學至不踰矩第四夫

子自叙至於道之次也此章告弟子以至於道之

序也

一貫此章論弟子以成德之方也成物之仁莫大

焉

第七

子曰。自行束脩以上。吾未嘗無誨焉。

章旨。不曰如之何者。則已矣。苟有志於道。則我必叩兩端而竭焉。

一貫。此即誨而不倦也。第二

第八

子曰。不憤不啓。不悱悱。義未詳。蓋亦憤意。不發。舉一隅示之。不以三隅反。則吾不復也。

章旨。憤。悱。謂學積於內。而幾動於外也。啓發。謂時其動而開導之也。

一貫。審量造道之淺深而施之。亦誨而不倦之仁也。

第九

子食於有喪者之側。未嘗飽也。

章旨。君子取譬於己。而恕其情。故不能飽食也。韓康伯。母聞吳隱之哭。輟餐投筯。亦恕其情也。

一貫。君子惻怛之情。如親居其喪。恕物之仁也。

第十

子於是日哭。則不歌。

章旨。孟子曰。人皆有所不忍。達之於其所忍。仁也。盡心篇。此亦達於所忍也。

一貫。章旨可以觀矣。

第十一

子謂顏淵曰。用之則行。舍之則藏。唯我與爾有是夫。

章旨孟子曰士窮不失義達不離道窮不失義故士得已焉達不離道故民不失望焉故古之人得志澤加於民不得志脩身見於世窮則獨善其身達則兼善天下盡心篇可以解此章

一貫行為救民藏為保身非知仁者不能

第十二

子路曰子行三軍則誰與子曰暴虎馮河

山子曰暴搏古通用

馮凌也死而無悔者吾不與也必也臨事而懼兵民之殘好謀而成者也好猶善也成猶為也

章旨夫仁者愛人愛人者惡人之殺人天下之喜殺人者莫如桀紂故湯武殺一人而天下之人生

矣如此而後兵可用也子路不計之本而問之末是任力而不謀義者也宜矣夫子之不與也舊說謂子路見夫子獨美顏淵以為已有勇軍事必當與已俱故發此問淺之見子路也

一貫不與暴虎馮河義與慎戰第十章第四章同愛人之仁也

編旨此舊合上為一章恐非一時之言也

第十三

子曰富而可求也

山子曰而如古通用雖執鞭之士

山子曰士當作事

吾亦為之如不可求從吾所好

章旨此章言富貴人之所欲我豈惡之哉然而有

命雖欲求之其如無益於得何然則我從孝弟仁
恕之在己而有益於得者

一貫舍人爵而脩天爵反之己之仁也

第十四

子之所慎齊戰疾

章旨齊者所以盡誠敬不盡誠敬則無以接神明
何以致孝乎鬼神兵者凶器不審所以用之則彼
此相賊亡亦從之疾者性命所關忽畧之則隕父
母遺體鬼神或不血食三者所繫大矣故夫子特
慎之

一貫失孝殘民亡身此而不慎何以觀其仁乎

第十五

子在齊聞韶三月

山子曰月當作日

不知肉味曰不圖為樂

之至於斯也

斯指美善

章旨父瞽叟而不失孝子商均而不失慈受堯之
禪而授禹在家無怨在天下無怨恭己南面而四
海歸之其德如此故樂之至美善者古今莫如韶
天下之好德者多矣而天下之至好德者莫如孔
子以莫如之好聞莫如之樂其忘肉味不亦宜乎
盖夫子聞其樂之至美善尚矣至是親聞之而知
其真為至美善故曰不圖深美之也

一貫求之前而無舜求之後亦無舜求之天地曰

方終不可復得仁之至聖之極誰其間然宜矣歷聖之樂無以尚焉夫子所以歎也

第十六

冉有曰夫子為衛君乎

為疾不可為之為猶言輔也

子貢曰諾吾

將問之入曰伯夷叔齊何人也子曰古之賢人也曰

怨乎曰求仁而得仁

求敏而求之求

又何怨乎出曰夫子

不為也

章旨伯夷去紂而處北海濱去可去之富貴也去

武王而處首陽之下處可處之貧賤也去富貴而

不悔處貧賤而不恨為求仁故也非守死善道者

孰能與於此夫子既稱之為賢為不怨若使夫子

在衛朝其去之也猶伯夷之於殷也其不為衛君

無道也亦明矣此章可與里仁篇富與貴

第五章

并考

一貫若出若處以義而不以私古賢哲之所以處

仁也淮南子曰君子時則進得之以義何幸之有

不時則退讓之以義何不幸之有故伯夷餓死首

陽之下猶不自悔棄其所賤得其所貴也

繆稱所

貴謂仁也

第十七

子曰飯蔬食飲水曲肱而枕之樂亦在其中矣不義

而富且貴於我如浮雲

章旨此章言以道而得富貴猶累一簣而成高也安而固矣不由道而得富貴猶浮雲之無根據也存亡不定呼吸變化豈如貧而樂道乎此即上章夷齊所求也

一貫伊尹之於有莘傳說之於傅巖太公之於渭

水其忘富貴而樂道也一矣以簞食瓢飲章雍也篇十

章參此章則顏淵與夫子合符亦可以見矣

第十六

子曰加我數年五十以學易可以無大過矣物茂卿曰謂於

易無大謬也

章旨此章或人問夫子以易夫子答之云云記者

畧其問辭亦如上章默而識之及德之不修等章觀其曰加我數年曰可以無大過矣蓋遜辭以示其非學者之本務也何者孔門之立教孝弟以為本忠恕以行之仁義以成之以至內省不疚是之謂學成也推之家國天下政教明於上黎民樂於下則聖賢之事業斯畢矣無復須易也曰然則易廢而可乎曰否夫民生有畏鬼神信禳祥之性先王率其性因神祇制卜筮定時日決嫌疑吉凶軍賔各隨其事而文之以為教化之一助以厭民心以便政事於是乎民之從之也輕服之也速是先

王立易之所本也、以為治國之小具、則可矣、以為學問之先務、則不可矣、周禮立卜筮、與史祝同列、為之故也、旁假繇辭、誘之而納於善、懲之而遠於惡、亦其餘事也、稽之二十篇中、夫子之言、及諸弟子之語、推之孟軻荀卿之書、未嘗以易為治國之大具也、由此觀之、古之學者、不以易為先務也明矣、春秋之時、梓慎禘竈、楚丘史蘇之徒、以易名於當時、好事者亦隨而和之、唱天地陰陽、鬼神妖祥、以眩惑一世者、翕然相扇、戰國以後、圖緯讖記之起、未必不由焉、自此以降、歷代學者崇之神之、亦

莫不假此以潤飾其道、皆以為內自修身齊家、外至治國平天下、大之天地陰陽、小之草木昆蟲、以至造物代謝、死生變化、無不備具焉、遂以易為六經首、又以為孔子所潛心、至於誣之以韋編三絕、可歎哉、殊不知先王孔子之道、其所主不在此、而在彼也、舊來諸家囿於六經之目、於此章欲揭夫子尚易之意、而示諸將來也、宜矣、其解之不幾也、或人既為時俗所眩、謂夫子之於易、神悟妙解、有技於天人之表者、故叩之欲發其秘奧、夫子知其意、然而雖欲辨之、惑、非言辭所能喻、故姑遜言以

應之待悻憤於他日而已

一貫或問曰果如章旨所說則今之治易者黜之可乎曰何為其然夫先王之於民脩其教而不易其俗蓋恐亂其安也故曰素夷狄行乎夷狄素患難行於患難是君子之所以無入而不順也今易之行天下既為成俗焉得不從其俗而脩其教傳曰協諸義而協則禮雖先王未之有可以義起亦中於時之謂也夫道之行也常存於其人故遇小賢則小行遇大賢則大行自西漢以還以易名於世者不乏其人要之皆小賢小德故其行也不至

籍甚及趙宋一天下而濂洛諸賢相尋輩出其學

以正心脩身為本推而至治國平天下也其事上

也務以誠意感悟人主其從政也致身其職不遺

餘力視民如父母於子程顥治水艱朱熹撫山民等可以見其論機

務也不避權焰而辭蝎毒觀其所表疏使時主從

其策則天聖之治可望中原之地可復雖身不知

用其所言論猶能維持一代之民彛使趙氏國脉

延而過三百者諸賢之力居多其德如此故民之

信也厚道之行也弘其於易也濂溪首崇之伊川

為之傳考亭為之義其大行於一世不亦宜乎自

此以降景慕其餘教者、連綿歷世不絕、凡唱其道者、常脩其教、奉其教者、常安其道、與之安則治、奪之安則亂、天之道也、人之情也、然則雖孔門不以此為先務、今從其成俗、亦何不可、昔者

一海內也、或請曰、當今釋教、其門有八、淨土者其一也、而我

祖宗尊靈之所憑依、宜使天下一崇奉淨土也、

曰、我聞之、有道之主臨天下也、奉天意而無所私、故萬物安其生、今八宗同奉釋氏、而派別不一、雖派別不一、各安其教則一也、汝奪其七、而欲歸一、

是知安一而不知亂七也、使各安其所安、則八門者、皆我治國之具也、遂并列八宗、而定其朝見之叙、大哉

之言也、宜矣、天覆之澤、百歲不忘、萬民仰其惠也、

夫爭競之端、其來久矣、孔墨相軋、韓非顯學既言之、

篇、孟軻闢楊墨、荀况非十二子、漢儒專門、互不相

服、東漢小人目君子為黨、死徙廢禁、善類幾盡、傳

曰、善人國之紀也、又曰、無君子其能國乎、東漢之

不復振、宜哉、至趙宋、則君子目君子為黨、人主或

或於疑似之間、小人得投其隙、而逞姦謀、傳曰、家

必自毀而後人毀之、國必自伐而後人伐之、北虜之迫蹙於海島、未必不由內相賊也、其原雖人主之不明之因、抑亦君子不得辭其罪也、明季之黨、常以政府與東林相攻擊、及閹人竊柄、謂魏忠賢殺戮禁錮賢良一空、崇禎即位、雖誅逆惡而收善士、朋黨之勢、不可復解、迄國亡而後已、愚亦甚矣、由此觀之、爭競之究、至於喪身敗家賊國、可不畏哉、故先王導民以禮、行禮以讓、其為天下萬世慮也遠矣、善哉考亭之答象山曰、如有未然、則各尊所聞、各行所知、亦可矣、考亭與象山辨大極、反復相苦、其卒以此答之、嗚呼逢

掖之士、同奉孔子、而彼此相毀、千歲之下、聚訟不止、其誰之罪乎、臨天下之主、以我

之心為心、志於道之士、以考亭之言為則、爭競之禍、其殆乎已矣、使其人同出忠恕、則其他之所見、亦何足深辨、是亦一貫之推也、

第十九

子所雅言

雅正也雅俗之雅

詩書執禮

執大史執禮事之執

皆雅言也

章旨夫子愷悌接物、故平居言語從鄉俗、不必雅正、若與門人言詩書及執禮擯相、則言語皆以雅正、

一貫

詩書義之府

僖二十七年

禮身之幹

文十五年

皆所以

為仁之具也

第二十

葉公問孔子於子路子路不對子曰汝奚不曰其為

人也發憤忘食樂以忘憂思索求仁之際有憤時有樂時忘食忘憂互文不

知老之將至云爾云爾與云云義同

章旨夫子盛德文章有不易得而言者故子路不

對夫子自言好學之事亦學而不厭之意

一貫發憤忘食利仁而擇之也樂以忘憂得擇而

安之也

第廿一

子曰我非生而知之者好古敏而求之者也

章旨生知天也力行人也學者顧力行如何耳蓋

門人以夫子為生知不可企及故喻之以此勵而誘之也

一貫前章曰求仁而得仁第十章此求之者亦求仁

也夫子曰仁遠乎哉我欲仁斯仁至矣第三十一章

孟子曰求則得之舍則失之是求有益於得也求

在我者也盡心篇意同

第廿二

子不語怪力亂神

章旨謝良佐曰聖人語常而不語怪語德而不語

力語治而不語亂語人而不語神集註蓋四者人所

竦聽世人群居則好語之而無益於輔仁故夫子

不語言所不語則所語可知所語何也人義是也
荀卿曰凡人莫不好言其所善而君子為甚非相
亦言君子之語人義也

一貫語人義導人於仁也荀子曰仁義德行常安
之術也然而未必不危也汗慢突盜常危之術也
然而未必不安也故曰君子道其常而小人道其
怪不苟與此章義相發

第三

子曰三人行必得我師焉擇其善者而從之其不善
者而改之

章旨三人行其一我也餘二人雖寡其善者我以

為師其不善者我以改之即為仁之方也宜與見
賢思齊里仁章參看

一貫荀子曰見善脩然必以自存也見不善愀然
必以自省修身孟子稱舜曰自耕稼陶漁以至為

帝無非取人者公孫與此章相表裏

第四

子曰天生德於予生猶為桓魋其如予何

章旨此與畏於匡子罕章意全同孟子曰孔子不

悅於魯衛遭宋桓司馬將要而殺之微服而過宋
是時孔子當厄萬章此章言豈發於爾時歟所以
安門人之兇懼而示死生有命也

第廿五

子曰。二三子以我為隱乎。吾無隱乎爾。也汝吾無行而不與二三子者。是丘也。

章旨門人以夫子聖德不可企及。疑有所隱匿。故夫子喻之云。我所言所行。未嘗不與汝共之。如隱匿而不告。他人則不知。丘則無之。

一貫曰。溫良恭儉讓。學而篇十章曰。申申如也。夭夭如也。第四曰。子溫而厲。威而不猛。恭而安。未以上語是門人自外觀者。而夫子仁德之發也。子貢所謂夫子之文章。亦即此物也。弟子既觀而名言之。則

第廿六

此章與二三子而無隱之言。豈不信乎。

子曰。以四教。文行忠信。
章旨文。遺文。詩書為首。行。履行。履所學也。忠與信。行之所主也。

一貫忠信。仁之質也。行仁之輿也。文。仁之文也。四者相須。而可成彬彬之德也。

第廿七

子曰。聖人吾不得而見之矣。絕望得見君子者斯可矣。之辭

言猶不子曰。舊說子曰。善人吾不得而見之矣。得見有恒者斯可矣。聖人以在上言。皆

約而為泰。三句一意。謂難乎有恒矣。

章旨傳曰、君子好好而惡惡、樂樂而安安、是以能有常、晉語時君與之反、所以難也、夫夫子絕望於聖人、猶望君子、絕望於善人、猶望有恒者、有恒者猶且不可得、於是言所以無有恒者、而如自咎曩者望之之非、所以深嘆衰世也、

一貫義與甚矣吾衰章同、第五

第六

子釣而不綱、物茂卿曰綱、弋不射宿、

章旨夫網游魚於流水、而掩其不意、要宿鳥於歸途、而期其必得、共非仁者之意也、盖夫子閑暇無事之際、時以弋釣為娛、而仁恕之情、亦存於其間、

第九

也、小記曰、國君春田不圍澤、大夫不掩群、曲禮篇亦皆推之於其所忍也、

一貫章旨可以觀矣、

子曰、盖有不知而作之者、我無是也、多聞、聞見擇其

善者而從之、從識多見、互帶擇其善者而識之、知之

次也、謙辭

章旨言世有創詭激之行、怪異之說、邀聲譽於當年者、我則不為之、聞見於古今、選擇其善者、而從之、識之、不過如此、上雖不及知者、下不敢為妄作、亦可以為知者之次也、

一貫此亦擇仁之事義同於博學於文雍也篇二十六章

章

第三十

互鄉難與言。鄉以惡俗名。童子見。門人惑。子曰。與其進也。

善志于學。不與其退也。唯何甚。責其不容。人絜己以進。與其絜

也。不保其往也。保任往後也。

章旨互鄉俗惡。門人欲夫子絕而不通。夫子喻之

曰。我與彼來而志于善也。不與其去而為不善也。

汝一欲絕之。亦何酷也。人絜己以下。復說上意。丁

寧之也。

一貫仁者聞一善而忘百非。故人不以舊惡自嫌。

第三十一

子曰。仁遠乎哉。我欲仁。斯仁至矣。言至喻其易也。

章旨此章言仁豈遠乎哉。人患不行已。苟欲行之。

徒則在於此。曰。必浴。曰。無以。曰。無以。曰。無以。

一貫就上下章言之。鈞而不綱。章推於所忍也。不

知而作章。學而不厭也。互鄉難言。章誨而不倦也。

陳司敗章。臣為君隱也。與人歌章。取於不為善也。合而觀之。同為仁之方也。君子苟志於仁。觸處皆莫不為仁。故曰。我欲仁。斯仁至矣。讀者思索而通之。則為仁之由己。不俟置解。陳司敗問。昭公知禮乎。孔子對曰。知禮。孔子退。揖巫馬期而進之。曰。吾聞君子不黨。君子亦黨乎。君取於吳。為同姓。謂之吳孟子。君而知禮。孰不知禮。巫馬期以告。子曰。丘也幸。苟有過人。必知之。
章旨 昭公習威儀之禮。夫子答司敗以知禮。不為過言。司敗規之以禮之本。亦猶晉平公美昭公善

第卅二

於禮。女叔齊規之以禮之本也。昭五年 夫子受而不辨。幸人知而規己。臣為君隱。亦在其中。所謂不勉而中。不思而得。從容與道會者也。

一貫 臣為君隱。猶子為父隱也。為父隱。仁也。為君隱。義也。仁義立而治可得而施也。夫子之片言。其所含遠矣。讀者可不潛心哉。

第卅三

子與人歌而善。必使反之。而後和之。
章旨 此亦取於人以為善也。使其人復歌。屬而和之也。

一貫 意同於三人行章。第二十章

第卅四

述而

第卅四

子曰文莫吾猶人也。也猶乎躬行君子則吾未之有得。

章旨此章亦有人稱夫子之盛德文章者而夫子

有此言也言動作由禮吾猶可以及人體君子德

則非我之所敢當也或曰莫疑章之誤

一貫凡人稱夫子而夫子謙不敢當者不一而止

夫士雖有高行不讓不足以為德也其讓益深而

其德益盛者也

第卅五

子曰若聖與仁則吾豈敢。言不可企望抑為之不厭。為猶學也

誨人不倦則可謂云爾已矣公西華曰正唯弟子不

能學也

章旨此亦因有人稱夫子者而言也夫子辭其稱

仁聖而居其稱為誨公西華聞之曰即如所言弟

子不能得而則效也

一貫義同於上章

第卅六

子疾病子路請禱子曰有諸。疑怪之辭子路對曰有之。誅

曰禱爾于上下神祇。爾汝也子曰丘之禱久矣

章旨夫疾病而禱于五祀登屋而復廢牀而寢地

先王設此禮使為臣子者盡求生之道所以導民

於忠孝也然是為臣子者所自盡而非初請君父

而行之之事君父而行之則為惑而不知命也此

曰有諸者、夫子怪而問之之辭、言死生有命、非禱之所能得也、而汝請之、豈有禱而救死之道乎、子路不喻有諸之意、以為問有禱禮乎、故引誅文中語證之、以子路不喻意、夫子乃曰、丘之禱久矣、以絕其禱也、言禱可以救死、則丘之禱亦已久矣、猶復何用汝禱之為、

一貫篇中語命者九十五章、其措辭曰命者六、曰

五十而知天命、為政篇、曰子罕言利與命與仁、子罕篇、

曰死生有命、顏淵篇、曰道之將行也與命也、憲問篇、曰畏

天命、季氏篇、曰不知命、無以為君子、堯曰篇、曰是也、其不

曰命者九、曰人不知而不愠、學而篇、曰子見南子、雍也篇、

曰天生德於予、第二十四章、曰子疾病、第三十六章、曰子

畏於匡、子罕篇、曰莫我知也夫、憲問篇、曰在陳絕糧、衛靈公篇、

曰公山弗擾、陽貨篇、曰佛肸召子、同上、是也、五十而

知天命、畏天命二章、言知天命之不可規度、履正

戒懼、居易而俟之也、人不知而不愠、道之將行也與

命也、莫予知也、夫三章、言道之行廢、知非人智之

所能取舍、安命而不愠也、在陳絕糧章、言人之窮

達、命之所係、君子安之而不濫也、子見南子、天生

德於予、子畏於匡、公山弗擾、佛肸召子五章、言夫

子之存亡、命之所在、人不能違天而害之、以安從者也、死生有命、及此章言人之死生、命之所為、非人力之所能短長也、子罕言命、章言命者、自非道之行廢、人之出處、死生存亡之際、君子所不言、故夫子言之罕也、不知命無以為君子也、章言命之所關、如此至大至深、故不能知之、則不得為君子也、凡語命諸章、夫子體常處變、聖思之所裁、進於仁知遠矣、故不必以仁解之也、

第卅七

子曰奢則不孫、儉則固、與其不孫也寧固。

章旨夫子答林放問禮之本曰禮與其奢寧儉

八

篇此語禮之本可知也

一貫舍不孫而取固亦剛毅木訥近仁

子路之意

第卅八

子曰君子坦蕩蕩小人長戚戚。

章旨君子居易以俟命故坦蕩蕩小人行險以徼

幸故長戚戚

一貫君子為可為而不為不可為故坦蕩蕩小人

為不可為而不為可為故長戚戚為可為直而生

也為不可為罔之生也直而生仁者之為也罔之

生不仁者之為也

子溫而厲威而不猛恭而安。

恭而安

第卅九

章吉温失於柔、威失於猛、恭失於勞、古今之通患也。禮裁之，則無三者之失，然後為君子也。

一貫是亦記仁德之發者，與申申、矢矢章同。第四

所謂夫子文章也。

泰伯第八

第一

子曰：泰伯，其可謂至德也已矣。三以天下讓。不言國

下自後稱之辭，民無得而稱焉。

章吉：夫德莫盛於讓，讓而三讓，讓莫盛焉。泰伯又

晦其讓，而天下無有知者，所以稱至德也。夫子既

曰：民無得而稱焉，則在當時猶無有知者也。而後

之解此章者，斷斷欲指名其三何也，為其不可指

名，有以三讓為固讓者，亦非也。不言三讓而言三

以天下讓，則三必有所指矣。蓋在夫子自有所見，

今無得而考也。

一貫：禮身之幹。文十讓禮之主。襄十讓以成德，則

讓為為仁之本，務可知也。

子曰：恭而無禮則勞，慎而無禮則憊，勇而無禮則亂。

直而無禮則絞。絞，切至之謂也。言無温藉也。

章吉：恭慎勇直，雖共美德，不裁之以禮，則皆失其

宜。故有四者之弊，此禮兼義從物制宜之謂也。與

第二

約之以禮之禮同義詳于學而篇十三章山子說

一貫此章言以禮曲直而救四者之弊所以成仁也

第二

君子篤於親則民興於仁故舊不遺則民不偷

章旨孝於父母友於兄弟仁之方也故舊不遺仁

之推也君子孝友於內而忠恕於外則下興起於

仁而民德歸厚矣大學曰一家仁一國興仁一家

讓一國興讓可以解此章

一貫後漢鮑永經更始墓曰親北面事人寧有過

墓不拜雖以獲罪司隸所不避也遂拜哭盡哀而

第四

去西至扶風推牛上苟諫冢帝聞之意不平問公卿曰奉使如此何如大中大夫張湛對曰仁者行之宗忠者義之主也仁不遺舊忠不忘君行之高者也帝意乃解張湛之言可以徵此章

曾子有疾召門弟子曰啓予足啓予手不敢毀傷遺體詩云

戰戰兢兢如臨深淵如履薄冰而今而後猶言今而也吾

知免夫小子

章旨小記曰居處不莊非孝也事君不忠非孝也

涖官不敬非孝也朋友不信非孝也戰陳無勇非

孝也祭義言君子無入而不以父母為念也曾子

戰戰兢兢日謹一日恐遺父母辱故易箒之日而知免臨深履薄之危懼也可不謂能終之乎

一貫孝為仁之本也學而篇二章此章言曾子仁以為

任死而後已也

第五

曾子有疾孟敬子問之曾子言曰鳥之將死其鳴也哀唯悲人之將死其言也善於鳥異君子所貴乎道者

三道廣矣大矣故舉其可為準的者動容貌斯遠暴慢矣動作有文正顏

色斯近信矣遠近戒慎之謂出辭氣斯遠鄙倍矣言語有章山子云倍

當作俗字似而誤籩豆之事則有司存禮之末君子不親

章首小記曰禮義之始在於正容體齊顏色順辭

令冠義篇正容體動容貌斯遠暴慢也齊顏色正顏

色斯近信也順辭令出辭氣斯遠鄙倍也荀子大畧

亦曰其行効其立効正容體也其置顏色効齊顏色也其

出辭氣効順辭令也語雖有異同要之此三者可見為

脩身之先務也樂記曰外貌斯須不莊不敬則易

慢之心入之矣家語曰暴厲之動不在體辨樂解韓

詩曰威儀固陋辭氣鄙俗卷九三畧曰飾躬正顏上畧

亦皆戒三者不由禮也此章言君子修威儀則

欲恭而不暴厲情慢也正顏色則欲內有其實也

發言語則欲雅而不鄙野也

一貫此章即非禮勿言非禮勿動之事而曾子終身所行仁之方也

第六

曾子曰以能問於不能以多問於寡有若無實若虛犯而不校昔者吾友嘗從事於斯矣

章旨以能問於不能以多問於寡不耻下問也。有若無實若虛謙而不自滿也。犯而不校以仁存心以禮存心也。夫有能多聞之人其弊常在矜伐。然而此子不耻下問退讓自將人待之以橫逆則自責而不敢校非顏閔之徒孰能與於此宜矣曾子之追慕之也。

第七

一貫以能問於不能讓也犯而不校自反也讓而自反求仁莫近焉

曾子曰可以託六尺之孤可以寄百里之命臨

大節而不可奪也君子人與君子人也

章旨忠奉生者信不背死者故可以託孤幼才任治國故可以委一國命忠信而才故應變制宜確乎不可奪若伊尹霍光諸葛亮雖才有長短皆可。以當此再曰君子人所以深美之也荀子曰知而不仁不可仁而不知不可亦此意也。一貫此章言仁知之人而可以託重任也。

第八

曾子曰。士不可以不弘毅。任重而道遠。仁以為己任。不亦重乎。死而後已。不亦遠乎。

章旨寬裕無不容弘也。強忍無不致毅也。執德弘。故能寬而容物。信道篤。故能毅而致遠。非弘毅不能成仁。非執德信道亦不能為弘毅。即曾子之所履行也。

一貫義與曾子有疾章第四同。

第九

子曰。興於詩。立於禮。成於樂。

章旨此章言君子以三物成德也。古之學詩。非徒誦之。施之行事。無須臾棄之。邇之事父。遠之事君。

朋友之於交。賓客之於禮。莫不以此喻彼此之情。故曰。不學詩無以言。季氏篇又曰。猶正牆面而立也。

與陽貨篇其善之也。叔孫得譽於晉國。其不知之也。

慶封取笑於魯人。學之可以為人。不知之。不可以為人也。是學詩者之所以自興起也。禮者。內厚父子之親。外明君臣之義。祭祀待之以得其敬。政事待之以得其治。饗食燕享待之以得其節。手足之所指。耳目之所施。進退升降。揖讓周旋。待之而後有所制。故曰。禮人之幹也。無禮無以立。昭七年是學禮者之所以可立也。樂者樂也。人不能無樂。樂而

不為之導則亂、放肆邪侈所由生也、先王惡其亂、故制雅頌之聲以導之、使其聲足以樂而不流、使其曲直繁省、廉肉節奏、足以感動人之善心、使夫邪汙之氣、無由得接焉、是學樂者之所以能成德也、然是各以其所主言之、言其所歸、則不可折而離也、雖於詩曰興、不能離禮樂而興也、雖於禮曰立、不能離樂詩而立也、雖於樂曰成、不能離詩禮而成也、三者相待而成功也、故曰、詩之所至、禮亦至、禮之所至、樂亦至、小記孔子間居篇蓋周室之隆、以此三物為紀綱、以定宗廟朝廷之典、以設庠序學校

之教、以養成英才、而致濟濟之盛、八百之祚、所由而基也、降及春秋之時、雖網紀廢於上、而流風遺教、猶存於列國之間、朝聘會同之遇、賓主酬酢之接、歌詩以通兩國之意、行之以禮、節之以樂、考之二傳可知也、夫駒支戎夷也、猶賦青蠅、以免執辱、敬姜婦人也、能賦綠衣、以定子之室、非先王三物之教、漸於民之深、焉能數百年下而如此哉、是觀衰末之遺俗、可以察當時之郁郁矣、由是觀之、此章之言、非夫子創之、憲章文武而述之者也、讀者細味諸、

一貫章旨可以觀矣

第十

子曰民可使由之不可使知之

章旨君子之於民欲使人人喻其義則日亦不足君子之德風也小人之德草也故君子脩其道明其教則民由之而治焉所謂不知不識順帝之則者也

一貫夫子曰如有王者必世而仁子路篇十二章夫雖堯

舜湯武之聖豈能使比屋而為君子哉言政教修於上而德化洽於下則民躋仁壽之域而不自知也是亦使由之也

第十一

子曰好勇疾貧亂也亂猶悖也人而不仁疾之已甚亂也

章旨上節言疾貧之不可好勇也亦猶有慾之不可得剛也何者君子之執志仁之所有無貧窮仁之所亡無富貴不以貧富累執志故勇得以立矣如疾貧則執志為之撓焉安能得勇也是好勇與疾貧猶冰炭不可兩立也故曰亂也下節言君子之惡不仁為其賊仁而害治也今惡不仁之已甚慘酷過其罪使彼怨恨次骨而遺毒禍國如申公巫臣之於楚則欲寧之反致不寧是亦可謂亂矣一貫好而知其惡惡而知其善大學者好惡得中而

無此弊故曰唯仁者能好人能惡人里仁篇然則三章惡不仁之已甚是亦與不仁同歸可不戒哉

第十二 子曰如有周公之才之美使驕且吝其餘不足觀也已

章旨此章假周公極言驕吝之不可也太宰純曰人若有才之美如周公而其或驕亢或吝嗇則其餘事皆不足觀也已矣蓋驕亢則君子不至吝嗇則小人不附二者非為人上之道也古訓外傳一貫驕則不恭敬吝則不寬弘是亦言不志仁之累才德甚也

第十三

子曰三年學不至於穀穀不易得也已

章旨三年言學道久也學道之久而無意於干祿非憂道不憂貧者不能且矣其不易得也

一貫夫子曰先難而後獲可謂仁矣雍也篇二亦此意也

第十四

子曰篤信好學守死善道善獨善其身之善

章旨發憤忘食樂以忘憂述而篇可謂篤信好學矣無求生以害仁有殺身以成仁衛靈公篇可謂守死善道矣

危邦不入亂邦不居天下有道則見無道則隱

章旨用舍行藏義之與比故入居見隱動與道會邦有道貧且賤焉耻也邦無道富且貴焉耻也

章旨在有道而棄在無道而用是貧賤以無能富貴不以義者豈不士之耻乎

一貫此章首節上言知者利仁也下言仁以為任也二節言出處合宜也仁者之為也三節上言天爵之不可不修也下言人爵之不可苟取也皆為仁之方也

編旨此三節編者合記為一章伊藤維楨曰此章與首編君子不重章同例

第十五

子曰不在其位不謀其政

猶議也

其政

章旨此言士居草莽不敢輕議時政也夫士幼而學之欲壯而用之其所學莫非修身治國之事修身治國之事布在方策學者講而不置豈憚言之若夫時政得失則國有制官有方時有變事有宜非身在其位焉能悉其情不唯不悉其情亦取禍之道也故君子戒慎焉孟子曰位卑而言高罪也

萬章篇亦此意

一貫君子居此國不非其大夫况議其國政乎是亦危行言孫優游終歲之意明哲者之為也

第十六

子曰師摯之始關雎之亂洋洋乎盈耳哉

章旨始亂之義諸說紛紛未詳孰是蓋孔子自衛

歸魯而樂正子罕官得其人師摯之奏關雎其聲

音之美洋洋乎聽者莫不厭心魯君終用夫子令

斯民為三代之民不為難也夫子去職久矣追思

而惜之故有此言

一貫夫子追惜前事深傷國之衰亂民之塗炭也

第十七

子曰狂而不直侗而不愿慥慥而不信吾不知之矣

章旨夫直愿信德也狂侗慥慥病也人有此德則

雖有此病可導之納於道有此病而無此德者猶

皮之不存毛無所措也夫子所以絕之也蘇軾曰

天之生物氣質不齊其中材以下有是德則有此

病有此病必有此德有此病而無是德則天下之

棄才也

一貫此章言誠信之不可少也誠信者仁之幹也

第十八

子曰學如不及猶恐失之

章旨是喻言也言從學者猶追亡人也蹶而趨之

猶恐失之謂可敏而求之也

一貫子路有聞未之能行唯恐有聞公冶長篇中

庸曰力行迺乎仁即此章之意也

第十九

子曰巍巍乎舜禹之有天下也而不與焉

與猶關也

章旨修身蹈道而天下來歸矣舜禹之有天下也

其諸異於人之有天下與是其所以巍巍乎也

一貫不與言奉天而無所私也即執中之謂也

第二十

子曰大哉堯之為君也

德如天故曰大巍巍乎三字恐行孟

唯天為大唯堯則之

則猶準也

蕩蕩乎民無能名焉

天德不可

章旨此章以天喻堯故全章依天為言以喻其功

業文物

一貫天無私覆故以天為喻同於上章

第廿一

舜有臣五人而天下治武王曰予有亂臣也

亂治也十人

五人十人所指不詳孔子曰才難不其然乎唐虞之際於斯為

盛上下疑有脫文有婦人焉九人而已婦人所指亦不詳

章旨此章言古者以得人為難信然唐虞禪讓之

間及周文武之時最為得人而唐虞則五人周則

十人十人中亦有一婦人才之難得豈不然乎

一貫言舜武之仁於天下在得其人也

三分天下有其二以服事殷周德其可謂至德也已

矣章旨天下歸心既過半而猶修臣道以奉事紂是

周之所以為至德也。至德不的指文王，以武善繼文志也。故曰周德雖不的指，所主在文王。

一貫不汲汲於天下，亦不與之次也。故為至德。

第廿三

子曰：禹吾無間然矣。非飲食而致孝乎鬼神，惡衣服而致美乎黻冕，卑宮室而盡力乎溝洫，禹吾無間然矣。

章旨：食不求飽，而致豐於宗廟，衣不重采，而盡盛於朝儀，居不求安，而極勤於民事，三者皆能以公義勝私欲也。可謂克己復禮矣。宜矣。夫子再言無間然，歎美之也。

第一

子罕第九

一貫 此章亦言禹之仁無所自私也。

子罕言利與命與仁。

八字一句，罕言，重慎不易之謂。

章旨：君子謀道不謀食，故言義而鮮言利，為可為，不為不可為，故言常而鮮言命，不必成德，而務下學，故言學而鮮言仁。夫戰戰慄慄，日慎一日，孜孜為善，至內省不疚，則不期仁而仁至矣。自天祐之，吉无不利。

一貫或問曰：孔門以仁為標準，故篇中言仁者比他德為最多，而此章曰罕言者何也？曰：余亦嘗疑

之、反復思索、久而似有得、上下論凡四百二章、其
 言仁者五十八章、除其十章、仁者三、曰不仁者者
二、曰罕言仁者一、曰未仁者一、曰難為仁者一、餘為四十八章、其一章人
 稱夫子為仁者也、其三章人問仁、而夫子答以不
 知者也、其六章廣稱君子為仁者仁人者也、其二
 十四章、泛言仁而不說其義者也、說其義者纔十
 四章、曰孝弟也者、其為仁之本與、學而篇二章、曰仁者
 先難而後獲、雍也篇二章、曰仁者己欲立而立人、己
 欲達而達人、同篇二章、曰克己復禮為仁、非禮勿視、
 非禮勿聽、非禮勿言、非禮勿動、顏淵篇首章、曰出門如

見大賓、使民如承大祭、己所不欲、勿施於人、在邦
 無怨、在家無怨、同篇二章、曰仁者其言也訥、為之難、言
 之得無訥乎、同篇三章、曰愛人、同篇二章、曰居處恭、執事
 敬、與人忠、子路篇九章、曰仁者必有勇、憲問篇四章、曰桓公
 九合諸侯、不以兵車、管仲之力也、如其仁、如其仁、
同篇十章、曰管仲相桓公、霸諸侯、一匡天下、民至于
 今受其賜、同篇十章、曰仁者不憂、同篇二章、曰工欲善
 其事、必先利其器、居是邦也、事其大夫之賢者、友
 其士之仁者、衛靈公篇十章、曰恭寬信敏惠、恭則不侮、寬
 則得眾、信則人任焉、敏則有功、惠則足以使人、陽貨

章篇六是也。夫四百二章中言仁者四十八章而說其義者纔止十四章。記者曰罕言不亦宜乎。且此章曰罕言者謂夫子為仁之不易言重慎而不敢輕也。非關全篇為言者也。全篇則編者擇話言之可則效者而輯之。所以仁最多也。然而說其義者猶且止十四章。則益可徵所謂罕言之非誣也。若夫不曰仁而協於仁者。宜鑽切各章而求之於言外。是所以夫子一貫之言發於前而曾子忠恕之喻啓於後也。

第二

達巷黨人曰。大哉孔子。博學而無所成名。子聞之。謂

門弟子曰。吾何執。執御乎。執射乎。吾執御矣。

章旨。夫子雖多能。德掩其能。故不以一能名於世。能之多。不如德之大。故曰大哉。夫子辭其德而受其能。故曰執御乎。執射乎。二者之中。又受其卑。故曰吾執御矣。謙而又謙也。

一貫。夫雖聖不讓。不可以成聖。此章以夫子不居大。益見其大矣。

子曰。麻冕禮也。今也純儉也。吾從衆。拜下禮也。今拜乎上。泰也。雖違衆。吾從下。

章旨。夫修身處事。不裁之以義。則失時措之節。凡

第三

事不害義者從俗不拘禮害義者守禮不殉俗夫
子取舍之際唯義所在

第四

一貫從與違共得時措之宜則仁亦在其中矣

第四

子絕四母意臆母必期母固固母我彼我

章旨君子之行忠以居之恕以行之唯恐盡己之
不足人之誠否不暇臆度之故曰母意凡事成
在天非我所能為故君子不必於可必是以無悔
小人必於不必是以多悔故曰母必固我二者義
相似故諸家解難其別蓋固言素有所見而自是
固執而不變也所謂果敢而窒者也我言雖知其

第五

善挾彼我之嫌不舍己而從人也所謂吝於改過
者也
一貫意則怠於自修必則正於不成固則不服善
我則遂已過皆害於仁故夫子絕之

子畏於匡畏畏途曰文王既没文不在茲乎四文字受文王

斯文也天之未喪斯文也匡人其如予何

章旨匡人欲害夫子故曰畏此章與天生德於我
亦以安從者也

一貫義解於述而篇第三十章

第六

大宰問於子貢曰。夫子聖者與。何其多能也。大宰以多能為

聖子貢曰。固天縱之將聖。天縱猶言生知也。將。幾也。又多能也。子

不以多能為聖。故曰又。子聞之曰。大宰知我者乎。吾少也賤。故

多能鄙事。君子多乎哉。不多也。不曰聖曰君子者。謙而遠之也。

章旨曰。固曰縱。子貢必夫子之聖可知矣。而又曰

將者。謙不敢必其所必也。夫子受多能而不當聖

亦執御之意也。自初必固不固。固不固。亦執御之意也。

宰曰。子云吾不試。故藝。試用也。

章旨亦言所以能鄙事。而於人必也。既言終必也。

第七

一貫聖而不當聖。義同於第二章。義也。不則不與。編旨此編者承上類記合為一章。必於數下以具

子曰。吾有知乎哉。無知也。有鄙夫問於我。空空如也。

無所挾也。我叩其兩端而竭焉。皆與。皆與。皆與。皆與。

章旨此亦有人稱夫子為無所不知者。夫子受之

以謙言。有鄙夫虛己以問我。我則叩之。使彼傾寫

其所欲問。而啓示之。無有所遺。故人以為無所不

知已。吾豈有知哉。雖有。雖有。雖有。雖有。

一貫義同於上章。其言。其言。其言。其言。

第八

子曰。鳳鳥不至。河不出圖。吾已矣夫。

章旨鳳圖聖王嘉瑞而不至不出以喻時無其君也夫雖有其德無其君則不可以撥亂反治夫子之聖而不遇其君雖有任制作之德將奈之何所以有此嘆也

一貫此亦夫子不忘救斯民之仁也意同於甚矣

吾衰章述而篇五章

第九

子見齊衰者

省與字

冕衣裳者與瞽者

十二字句

見之

之字指上

三雖少者必作

彼來則起

過之必趨

我過則趨

章旨哀喪敬貴不慢不見雖少者必作趨可以見君子不耻屋漏也哀喪恕也敬貴義也不慢不見

第十

信也夫子之道廣矣大矣而要之莫非三者之推

一貫恕也義也信也仁在其中矣

顏淵喟然歎曰仰之彌高

高莫高焉

鑽之彌堅

堅莫堅焉

瞻之

在前忽焉在後

變動與道會

夫子循循然善誘人

循與諄通丁寧

反復之意博我以文

博之以文而化其陋

約我以禮

約之以禮而歸之道

欲罷

不能既竭吾才如有所立卓爾

即高堅前後

雖欲從之末

由也已

不可得而企望

章旨門人贊夫子聖德者各有淺深而莫至於此

章贊之之淺深即知之之淺深知之之淺深即學

之之淺深亦可以觀顏淵之其庶矣

一貫仰之至在後學而不厭之効即動容周旋中禮也循循至以禮誨而不倦之目即裁而成之也

然則此章積知仁至於大而化孟子盡心篇也

第十一

子疾病子路使門人為臣病間也曰久矣哉由之行

詐也久矣哉言非唯今日也深責之辭無臣而為有臣吾誰欺欺天

乎人猶不可欺而况天乎且予與其死於臣之手也無寧死於

二三子之手乎且予縱不得大葬予死於道路乎有

三子在不安死道路

章旨蓋夫子晚年瞻仰其德者益多矣當其疾時諸侯大夫問尋饋遺使命相繼孔氏之隸不以足

第十二

供應接故子路處分門人姑充其任猶臣之於君

事也若有不諱將就而給喪事以從大夫之禮夫

子疾愈而知之故有此言

一貫夫子意在得正而斃小記載曾子易箦之事

檀弓篇與此章合符亦可以見曾子深造矣

第十二

子貢曰有美玉於斯韞匱韞匱猶言中笥也而藏諸求善賈

音古賈之善品題物者而沽諸猶乎也子曰沽之哉沽之哉重言者深

許之也我待賈者也

章旨夫子雖不用而衰老未嘗忘斯民亦未嘗不

望明王故曰我待賈者也

第十三

一貫夫子豈沽之者哉。惻怛之情，急於救民故也。子欲居九夷。九夷，屬楚之夷。或曰：陋如之何？子曰：君子居之，何陋之有？

章旨：蓋夫子往楚，親至其地，言君子修身崇德，則所過者化，顧自修何如已，俗之鄙陋，於我何關。

一貫：義同於乘桴浮海章。公冶長，篇七章。王陽明竄於嶺南，獠俗化其教導，從其使令，猶子弟之於父兄也。

明史本傳：夫獠之為俗，人貌而獸心，歷代之主置之化外，不以人遇之，而陽明變其俗，况九夷非獠類，加

之以夫子存神過化之德乎？九夷之變其陋，亦易

第十四

易耳。子曰：吾自衛反魯，然後樂正，雅頌各得其所。

章旨：哀公十一年，夫子在衛，魯人以幣召之，乃歸。

蓋此時也。夫子反魯，而官得其人，雅頌錯用者，亦各復其正。夫暫時舉錯，見効如此，三年有成之言，

亦可以信矣。荀子曰：仁人所存者神，所過者化。議兵篇，亦此之謂也。是亦追思而惜之也。

一貫：是亦師摯關雎章之意。泰伯篇十六章

第十五

子曰：出則事公卿，入則事父兄，喪事不敢不勉，不為酒困，何有於我哉。

章旨此章亦有人深美夫子者故受之以此言言敬貴敬親哀喪戒酒曰者我所自修此其外無有何於我也亦相學關紐章之意十六章

一貫義與第二第六第七章同

第十六

子在川上曰逝者如斯夫不舍晝夜

章旨是夫子自嘆以厲人也即日月逝矣歲不我

與之意陽貨篇言盛去衰來如水之逝而不返學者

可不及時黽勉乎

一貫此章學如不及猶恐失之之意泰伯篇陶侃

常語人曰民生在勤大禹聖人猶惜寸陰至於凡

俗當惜分陰豈可逸遊生無益於時死無聞於後是自棄也樗蒲外國戲博奕紂所造諸君國器何以為此若王事之暇患邑邑者文士何不讀書武士何不射弓晉書本傳侃以一身死生關一代之盛衰有以哉

第十七

子曰吾未見好德如好色者也

章旨孟子曰仁義忠信樂善不倦此天爵也告子篇

夫仁義忠信樂善而不倦即好德也君子好德則能保社稷宗廟小人好德則能保四體盖當時君臣淫色而簡德者比比皆然故夫子有此言也

一貫是亦歎國之衰亂無志於仁者也夫羿稟不好德而好力故不得其死然禹稷不好力而好德故有天下南宮适黜羿稟而尚禹稷夫子曰尚德哉若人憲問篇五章又曰由知德者鮮矣衛靈公篇四章夫知德則好德知者之利仁是也子路不能使好德之心勝好勇之心故夫子警之以不得其死然先進篇十章曰好曰尚曰知雖措辭異其歸一也

第十八子曰譬如為山未成一簣止吾止也譬如平地雖覆一簣進吾往也

章旨此章以成山喻成德言成德豈由人哉為之

與不為皆在我已亦我欲仁斯仁至矣述而篇荀子云孔子曰如坳而進吾與之如丘而止吾已矣宥坐篇辭異而意同

一貫此章言君子成仁在死而後已也

第十九

子曰語之而不惰者敏於行其回也與

一貫顏淵之所以不違仁亦以死而後已也

第二十

子謂顏淵曰惜乎吾見其進也未見其止也

章旨此亦語顏淵好學而追惜之即今也則亡先進篇之意

一貫夫子曰君子上達小人下達憲問篇二章顏淵

之進而不止亦上達已

第廿一

子曰。苗而不秀者有矣夫。也。乎。秀而不實者有矣夫。

章旨此以苗喻學言苗必秀秀必實學何憂不成

即我未見力不足者里仁之意

一貫此章言不惰者皆可成仁也

第廿二

子曰。後生可畏焉。知來者之不如今也。四十五而無聞焉。斯亦不足畏也已。

章旨此勸勉後進也。夫種則秀秀則實古猶今也

將來之人不可謂不及今日可不畏乎

一貫此章言進而不止者雖來者同於今賢也

第廿三

子曰。法語之言能無從乎。改之為貴。巽與巽與溫藉不迫切之謂之言能無說乎。繹之為貴。說而不繹。從而不改。吾未如之何也已矣。

末如之何也已矣

章旨人以法言規我我不改之則無益於行人以

巽言誘我我不思索則無益於悟夫子曰過則勿

憚改學而荀子曰思索而通之勸學此章兼之

一貫改之繹之豈徒亦求仁已

第廿四

子曰。主忠信。無友不如己者。過則勿憚改。

章旨詳於學而篇第八山子說

編旨此亦進學之方而反己益切矣

第廿五

子曰。三軍可奪帥也。匹夫不可奪志也。

章旨志操之所存。雖匹夫有死生不移者。何況君

子修行厲節乎。故曰志士仁人無求生以害仁。有

殺身以成仁。衛靈公篇下句將言不可奪之極。故上句

舉難奪之至者。

一貫君子仁以為己任。死而後已。泰伯篇仁之所

在。無貧窮。仁之所亡。無富貴。荀子性惡篇豈非不可奪

未乎。

第廿六

子曰。衣敝緼袍。與衣狐貉者立。而不耻者。其由也與。

章旨左傳載李康子謂子路曰。千乘之國。不信其

盟。而信子之一言。哀十四年非素有所養。而信乎於人。

焉能如此哉。其不耻狐貉於彼。以有此物於斯也。

夫子曰。士志於道。而耻惡衣惡食者。未足與議也。

里仁為美與此章相發。

一貫此語子路執志之不可奪。以實上章。

不伎不求。何以不臧。子路終身誦之。子曰。是道也。猶道也

也。方何足以臧。

章旨勇者常伎害人。潔者常求責人。故夫子嘗斷

取此詩。以戒子路之所短。蓋子路信受服膺之久。

矣。夫子因告之曰。既能不伎不求。則宜思其上者。

第廿七

前言何足深善焉。謂循循善誘人者，誨而不倦之仁也。

編旨本合上章，今別為一章。

第廿六

子曰：歲寒然後知松柏之後彫也。後後亡，是也。

章旨：霜雪既降，則衆木皆彫落，而松柏獨青青，以喻君子為困亂不變其操也。

一貫此與三軍第二十章 敝緼袍第二十章 章義相發

第廿九

子曰：知者不惑，仁者不憂，勇者不懼。內省不疚，

章旨：夫知者仁者勇者，雖名稱不同，其實非截然

異德，何則以三者闕一，不可造道也。其不惑不憂不懼，亦各就其所主為言。至其成德一也。知者之不惑也，以勝私言；仁者之不憂也，以安命言；勇者之不懼也，以內省言。勝私故施之天下而不悖，安命故處窮約而不悶，內省故當千萬人而不懼。非弘毅之士，任重而致遠者，焉能與於此。此章宜與司馬牛問君子章顏淵篇 并看。

一貫 擇處仁然後知，殺身成仁然後勇。然則夫子所謂知勇不可離仁而為也必矣。言其中而語

第三十

子曰：可與共學，未可與適道；可與適道，未可與立；可

與立未可與權。可與許之之辭未可與難其人之辭

章旨學言其初所謂志於道也適言其中所謂遊

焉息焉也立言其成所謂立於禮也權言其變所

謂宗原應變曲得所謂也荀子曰學始乎為士終

乎為聖人勸學篇亦此意也

一貫自志於學至不踰矩為政篇夫子自言造道

之序也自志於道至遊於藝述而篇告弟子於造

道之方也此章言與人共造道之序也所主雖不

同其造道之義一也

第卅一 唐棣之華偏與翻其助反與翻而豈不爾思室是遠

而子曰未之思也夫何遠之有

章旨詩意託辭於遠夫子詰之曰是不思也思則

來矣何遠之有以喻人不志於仁也即孟子不為

也非不能也之意梁惠王篇蓋道在邇而人以為遠自

為士至為聖人皆我之自為非由人也人之患不

在道之遠而在不志於道已

一貫夫子曰為仁由己而由人乎哉顏淵篇仁遠

乎哉我欲仁斯仁至矣述而篇有能一日用其

力於仁矣乎我未見力不足者里仁篇詩云伐柯

伐柯其則不遠執柯以伐柯睨而視之猶以為遠

中庸以上語與此章合符此章不特此篇之結實結九篇之尾編者之誘人於仁也切矣

鄉黨第十

第一

孔子於鄉黨恂恂如也。質樸似不能言者。以有先

在宗廟朝廷便便言。便與辨同。唯謹爾。朝與下大夫

言侃侃如也。侃與衍同。與上大夫言誾誾如也。徐言

君在踧踖如也。覺與與如也。寬綽貌。雖覺如

章旨此章記鄉黨朝廷之容

第二

君召使擯。擯接賓客。色勃如也。敬而足躩如也。整揖所與

立左右其手。言臚傳時。衣前後襜如也。撥揚趨進翼如也。

拱而趨如鳥張翼

賓退必復命曰賓不顧矣。白賓去

章旨此章記為擯之儀

第三

入公門鞠躬如也。磬折如不容。容斂立不中門。不敢當

行不履闕。門不取汚過位。君之位。色勃如也。足躩如也。其

言似不足者。不逞攝齊升堂。攝衣鞠躬如也。屏氣

也似不息者。肅氣容出降一等。遲顏色怡怡如也。稍遠

愉沒階趨進。行翼如也。復其位。堂下踧踖如也。猶不

章旨此章記在朝之儀

第四

執圭鞠躬如也。如不勝。執輕上如揖。下如授。上下猶

也。以升降階言。升階如揖。少高之也。降階如授。少低之也。升降之宜。不得不然。勃如戰色。敬

至之足踏踏如有循。離地不享禮。既聘而享有容色。聘禮云及

容私覲愉愉如也。以私禮見

第五

君子不以紺緌飾。紅紫不以爲褻服。四者皆嫌似奢當暑紵

絺綌必表而出。加表衣而出緇衣羔裘。素衣麕裘。黃

衣狐裘。中外色相稱。褻裘長。短右袂。裘之長袂之短必有

寢衣。被也長一身有半。程子云此九字當在明衣布也下狐貉之厚以

居。燕居取其溫去喪無所不佩。服除復常非帷裳必殺之。唯帷與裳

不鍛羔裘玄冠不以弔。吉主玄凶主素吉月朔必朝服而朝齋

必有明衣布也。明衣浴衣此下脫寢衣一句

齋必變食。不飲酒居必遷坐。易常處食不厭精。食飯膾

不厭細。細而切之食饔而餲。餲餲臭味變也或曰餲上疑脫一字魚餒而

肉敗不食。敗餒肉腐色惡不食。臭惡不食。失飪不食。失烹

也。熟節不時不食。果菜非其時之類割不正不食。肉新鮮則割廉方正不

得其醬不食。濡雞醢醬濡魚卵醬之類肉雖多不使勝食氣。以穀為主

唯酒無量不及亂。以不困為量沽酒市脯不食。不精物不

撤薑食。或曰撤字衍薑疑疆字誤疆與強同謂所不嗜不強食不多食。雖所嗜不過飽

祭於公不宿肉。還家即頒賜祭肉不出三日。祭於家出三

日不食之矣。恐傷人食不語。寢不言。自我發雖疏食

菜羹瓜。魯論作必是祭必齋如也。齊敬

章旨此章記衣服飲食之節度

席不正不坐必正之而後坐

章旨物茂卿曰此恐齋時之禮太宰純曰此亦

錯簡當在前章居必遷坐之下

第六

鄉人飲酒杖者出斯出矣視老者為則鄉人儻朝服而立

於阼階廟之阼階存室神也

問人於他邦問問遺問再拜送之使者行而後再拜康子饋藥拜

而受之曰丘未達不敢嘗將親問而服之慎疾也

廐焚國廐子退朝曰傷人乎不問馬重人必及馬

君賜食必正席先嘗正席敬君也言先則餘頒賜可知君賜腥必熟

而薦之推功先祖君賜生必畜之不敢徒殺君惠侍食於君君祭

先飯若為君嘗食然

疾君視之東首君適臣家升自阼階故改寢而東首加朝服拖紳如身著之

君命召不俟駕行矣君命君趨

入大廟每事問義詳於八佾篇

朋友死無所歸曰於我殯朋友誼如兄弟朋友之饋雖車馬

非祭肉不拜通財朋友之常故不往拜誼如兄弟故視其父母猶已父母所以不拜車馬而

拜祭肉也

寢不尸寢內寢也尸之尸居不容居燕居容儀容也

見齊衰者雖狎必變見冕者與瞽者雖褻必以貌義詳

於子罕篇

凶服者式之。式負版者。版邦國之圖籍

有盛饌必變色而作。改容謝

迅雷風烈必變。畏敬天變

升車必正立執綏。立不傾款車中不內顧。山子曰內不疾

言不親指。恐驚動人觀聽

章旨此章雜記夫子動作

色斯舉矣。見人顏而起翔而後集。回翔審視而下曰山梁

雌雉時哉時哉。子路共之。三嗅而作。十六字義未詳

章旨此以鳥為喻色斯舉矣翔而後集言君子舉

第七

錯進止察色而動也時哉時哉蓋言得時中時措之節也

一貫夫子答顏淵問仁曰非禮勿視非禮勿聽非

禮勿言非禮勿動。顏淵篇首章此篇為為仁之方可知

也

編旨此篇總記夫子動容周旋中禮故以此章結

之

山服者去之八負取者

有盛德必變色而休

升龍吉也蘇頌曰夫子信譽與中對始以此章

對言非對於禮禮者禮也也蘇頌為子之方何味

也一貫者大也答曰問子曰非對於禮非對於

禮也對於禮也子路共之三嘆而作

論語一貫卷三而禮也朝也朝也朝也蓋言對朝中朝也

